

共和十一年戊辰月初三日
大澤八因得之特記

伊良



第一釋名者初之楞伽者此翻
不可往乃大法南岸摩羅耶山
頂之城名也次之阿跋多羅者
此翻無上次之寶者乃此方
至貴至重之稱

止觀道人



刻楞伽阿跋多羅寶經序

朝議大夫直龍圖閣權江淮荆浙等路制置鹽礬兼發運副使上護軍賜紫金魚袋蔣之奇撰

之奇嘗苦楞伽經難讀又難得善本
會南都太子太保致政張公施此經
而眉山蘇子瞻爲書而刻之板以爲
金山常住金山長老佛印大師了元
持以見寄之奇爲之言曰佛之所說



經總十二部而其多至於五千卷方
其正漣流行之時人有聞半偈得一
句而悟入者蓋不可為量數至於像
漣末法之後去聖既遠人始溺於文
字有入海筭沙之困而於一真之體
乃漫不省解於是有所祖師出焉直指
人心見性成佛以為教外別傳於動

容發語之頃而上根利器之人已目
擊而得之矣故雲門至於罵佛而藥
山至戒人不得讀經皆此意也由是
去佛而謂之禪離義而謂之玄故學
佛者必詆禪而諱義者亦必宗玄二
家之後更相非而不知其相為用也
且禪者六度之一也願豈異於佛哉

之奇以為禪出於佛而玄出於義不以佛廢禪不以玄廢義則其近之矣
冉求問聞斯行諸孔子曰聞斯行之
子路問聞斯行諸曰有父兄在如之
何其聞斯行之求也退故進之由也
兼人故退之說豈有常哉救其偏而
已學佛之救至於溺經文惑句義而

人不體玄則言禪以救之學禪之敝
至於馳空言玩琦辯而人不了義則
言佛以救之二者更相救而佛漚完
矣管達磨西來既已傳心印於二祖
且云吾有楞伽經四卷亦用付汝即
是如來心地要門令諸衆生開示悟
入此亦佛與禪並傳而玄與義俱付

也至五祖始易以金剛經傳授故六
祖聞客讀金剛經而問其所從來客
云我從蘄州黃梅縣東五祖山來五
祖大師常勸僧俗但持金剛經即自
見性成佛矣則是持金剛經者始於
五祖故金剛以是盛行於茲而楞伽
遂無傳焉今之傳者寔自張公倡之

之奇過南都謁張公親聞公說楞伽
目緣始張公自三司使翰林學士出
守滁一日入琅琊僧舍見一經函發
而視之乃楞伽經也恍然覺其前生
之所書筆画宛然其始神先受之甚
明也之奇聞羊祜子五歲時令乳母
取所弄金銀乳母謂之汝初無是物

祐即自詣隣人李氏東垣桑木中探
得之主人驚曰此吾亡兒所失物也
云何持去乳母具言之知祐之前身
為李氏子也白樂天始生七月姆指
之無兩字雖試百數不差九歲諳識
聲律史氏以為薦於才章蓋天真然
而樂天固自以為宿習之緣矣人之

以是一真不滅之性而苑生本來於
天地之間其為在數雖折天下之草
木以為籌筭不能筭之矣然以淪於
苑生神識疲耗不能復記惟圓明不
昧之人知焉有如張公以高文大冊
弄中制舉登侍從秉鈞軸出入朝廷
逾四十年風烈事業播人耳目則其

前身嘗為大善知識無足疑者其能
記憶前生之事豈不謂信然哉故曰
讀楞伽新經而記其曰緣於經之端
云

楞伽阿跋多羅寶經序

朝奉郎新差知登州軍州兼管內勸農事騎都尉借緋蘇軾書

楞伽阿跋多羅寶經先佛所說微妙
第一真實了義故謂之佛語心品祖
師達磨以付二祖曰吾觀震旦所有
經教惟楞伽四卷可以印心祖祖相
傳以為心法如醫之雜經句句皆理

字字皆法後世達者神而明之如槃
走珠如珠走槃無不可者若出新意
而棄舊學以為無用非愚無知則狂
而已近歲學者各宗其師務從簡便
得一句一偈自謂了證至使婦人孺
子鼓掌嬉笑爭談禪悅高者為名下
者為利餘波未流無所不至而佛法

微矣譬如俚俗醫師不由經論直授
方藥以之療病非不或中至於遇病
輒應懸斷死生則與知經學古者不
可同日語矣世人徒見其有一至之
功或捷於古人因謂雜經不學而可
豈不誤哉楞伽義趣幽眇文字簡古
讀者或不能句而况遺文以得義忘

義以了心者乎此其所以寂寥於世
幾廢而僅存也太子太保樂全先生
張公安道以廣大心得清淨覺慶曆
中嘗為滁州至一僧舍偶見此經入
手恍然如獲舊物開卷未終風障冰
解細視筆畫手迹宛然悲喜太息從
是悟入常以經首四偈發明心要

遊於公之門三十年矣今年二月過
南都見公於私第公時年七十九矣
滅都盡惠光渾圓而軼亦老於憂患
百念灰冷公以為可教者乃授此經
且以錢三十萬使印施於江淮間而
金山長老佛印大師了元曰印施有
盡若書而刻之則無盡軼乃為書之

而元使其侍者曉機走錢塘求善工
刻之板遂以為金山常住
元豐八年九月九日

秀邑茅晚成刻

善女子



楞伽阿跋多羅寶經卷第一

宋天竺三藏求那跋陀羅譯

一切佛語心品之一

如是我聞一時佛住南海濱楞伽山頂種種
寶華以為莊嚴與大比丘僧及大菩薩衆俱
從彼種種異佛刹來是諸菩薩摩訶薩無量
三昧自在之力神通遊戲大慧菩薩摩訶薩
而為上首一切諸佛手灌其頂自心現境界

善解其義種種衆生種種心色無量度門隨

類普現於五法各相妄想正智力自性識妄想緣起成也二種無我法言我也究竟通達

爾時大慧菩薩與摩帝菩薩弟之慧也俱遊一切諸佛

刹土承佛神力從坐而起偏袒右肩右膝著

地合掌恭敬以偈讚曰

世間離生滅 猶如虛空華 智不得有無

而興大悲心 一切法如幻 遠離於心識

智不得有無 而興大悲心 遠離於斷常

世間恒如夢 智不得有無 而興大悲心

知人法無我 煩惱惑障及爾炎智障 常清淨無相

而興大悲心 一切無涅槃 無有涅槃佛

無有佛涅槃 遠離覺所覺 若有若無有

是二悉俱離 牟尼善言寂靜觀 是則遠離生

是名為不取 今世後世淨

爾時大慧菩薩偈讚佛已自說姓名

我名為大慧 通達於大乘 今以百八義

尚云生死可怖
念子涅槃可証

仰諮尊中上 世間解之士 聞彼所說偈
 觀察一切衆 告諸佛子言 汝等諸佛子
 今皆恣所問 我當為汝說 自覺之境界
 爾時大慧菩薩摩訶薩承佛所聽頂禮佛足
 合掌恭敬以偈問曰

云何淨其念妄念而生淨念 云何念增長淨 云何見癡惑亦現同相化諸眾生及諸外道
 云何惑增長 何故刹土化 相及諸外道
 云何無受次 何故名無受 何故名佛子

義白則義尚極句
 文白則句局極義

解脫至何所 誰縛誰解脫 何等禪境界
 云何有三乘 唯願為解說 緣起何所生
 云何作所作 云何俱異說 云何為增長
 云何無色定 及以滅正受 云何為想滅
 何因從定覺 云何所作生 進去及持身
 云何現分別 云何生諸地 破三有者誰
 何處身云何 往生何所至 云何竄勝子
 何因得神通 及自在三昧 云何三昧心

最勝為我說 云何名為藏 云何意及識

云何生與滅 云何見已還 云何為種姓

非種及心量 云何建立相 及與非我義

云何無衆生 云何世俗說 云何為斷見

及常見不生 云何佛外道 其相不相違

云何當來世 種種諸異部 云何空何因

云何刹那壞 云何胎藏生 云何世不動

何因如幻夢 及捷闍婆城此言摩竭城 世間熱時燄

及與水月光 何因說覺支 及與菩提分

云何國土亂 云何作有見 云何不生滅

世如虛空華 云何覺世間 云何說離字

離妄想者誰 云何虛空譬 如實有幾種

幾波羅蜜心 何因度諸地 誰至無所受

何等二無我 云何爾燄淨 諸智有幾種

幾戒衆生性 誰生諸寶性 摩尼真珠等

誰生諸語言 衆生種種性 明處及伎術

誰之所顯示 伽陀有幾種 長頌及短句

成爲有幾種 云何名爲論 云何生飲食

及生諸愛欲 云何名爲王 轉輪及小王

云何守護國 諸天有幾種 云何名爲地

星宿及日月 解脫修行者是善學 是各有幾種

弟子有幾種 云何阿闍梨 佛復有幾種

復有幾種生 魔及諸異學此云持戒者謂佛共其法信 彼各有幾種

自性及與心 彼復各幾種 云何施設量問心量妄想施設

唯願竄勝說 云何空風雲 云何念聰明

云何爲林樹 云何爲蔓草 云何象馬鹿

云何而捕取 云何爲卑陋 何因而卑陋

云何六節攝 云何一闡提此云極惡 男女及不男

斯皆云何生 云何修行退愼 云何修行生因何精進

禪師以何法 建立何等入法未入道 衆生生諸趣

何相何像類 云何爲財富 何因致財富

云何爲釋種 何因有釋種 云何甘蔗種

大善哉王得成王
仙被願所射滿血
於此生三日夢見
炎而聞生重男

無上尊願說 云何長苦仙 彼云何教授

如來云何於 一切時刹現 種種名色類

竄勝子圍繞 云何不食肉 云何制斷肉

食肉諸種類 何因故食肉 云何日月形

須彌及蓮華 師子勝相刹 側住覆世界

如因陀羅網 或悉諸珍寶 筌篲細腰鼓

狀種種諸華 或離日月光 如是等無量

云何為化佛隨緣起感 云何報生佛他報身也 云何如如佛住身也

云何智慧佛自報身也 云何於欲界 不成等正覺

何故色究竟 離欲得菩提 善逝般涅槃

誰當持正法 天師住久如 正法幾時住

悉檀及與見此云遍施 解世請諸見 各復有幾種 毗尼比丘分

云何何因緣 彼諸竄勝子 緣覺及聲聞

何因百變易生死 云何百無受善法解 云何世俗通

云何出世間六通 云何為七地自辨功 唯願為演說

僧伽有幾種 云何為壞僧破法 云何鑿方論

是復何因緣 何故大牟尼 唱說如是言

迦葉拘留孫 拘那含是我 何故說斷常

及與我無我 何不一切時 演說真實義

而復為衆生 分別說心量 何因男女林

訶梨阿摩勒 二果名 雞羅及鐵圍 金剛等諸山

無量寶莊嚴 仙闍婆充滿 無上世間解

聞彼所說偈 大乘諸度門 諸佛心第一

善哉善哉問 大慧善諦聽 我今當次第

如汝所問說 指也 生及與不生 涅槃空刹那

趣至無自性 佛諸波羅蜜 佛子與聲聞

緣覺諸外道 及與無色行 如是種種事

須彌巨海山 洲渚刹土地 星宿及日月

外道天修羅 解脫自在通 力禪三摩提

滅及如意足 即此念進慧也 覺支及道品 諸禪定無量

諸陰身往來 亦道業身也 正受滅盡定 三昧起心說 起之而起運心說法

心意及與識 無我法有五 自性想所想

及與現二見 乘及諸種姓 金銀摩尼等

一闡提大種 荒亂及一佛 智爾燄得向

衆生有無有 象馬諸禽獸 云何而捕取

譬因成悉檀 及與作所作 鬱林迷惑通

心量不現有 諸地不相至 百變百無受

鑿方工巧論 伎術諸明處 諸山須彌地

巨海日月量 下中上衆生 身各幾微塵

一一刹微塵 弓弓數有幾 肘步拘樓舍

半由延由延 即由旬 兔毫牕塵蟻 羊毛麩麥塵

鉢他幾躡變 阿羅躡變幾 獨籠那佉梨

勒义及舉利 信 乃至頻婆羅 是各有幾數

爲有幾阿菟 履 名舍梨沙婆 幾舍梨沙婆

名爲一賴提 持也 幾賴提摩沙 幾摩沙陀那

復有幾賴提 爲摩沙陀那 幾摩沙陀那

名爲陀那羅 也 復幾陀那羅 爲迦梨沙那

幾迦梨沙那 爲成一波羅 也 此等積聚相

鉢也

魔得使

幾波羅彌樓

也須係山

是等所應請

何須問餘事

聲聞辟支佛

佛及最勝子

身各有幾數

何故不問此

火燄幾阿菟

風阿菟復幾

根根幾阿菟

毛孔眉毛幾

護財自在王

轉輪聖帝王

云何王守護

云何為解脫

廣說及句說

如汝之所問

衆生種種欲

種種諸飲食

云何男女林

金剛堅固山

云何如幻夢

野鹿渴愛譬

云何山天仙

捷闍婆莊嚴

解脫至何所

誰縛誰解脫

云何禪境界

變化及外道

云何無因作

云何有因作

有因無因作

及非有無因

云何現已滅

云何淨諸覺

云何諸覺轉

及轉諸所作

云何斷諸想

云何三昧起

破三有者誰

何處為何身

云何無衆生

而說有吾我

云何世俗說

唯願廣分別

所問相云何

及所問非我

云何為胎藏

及種種異身 云何斷常見 云何心得定

言說及諸智 戒種性佛子 云何成及論

云何師弟子 種種諸衆生 斯等復云何

云何爲飲食 聰明廣施設 云何樹葛藤

最勝子所問 云何種種刹 仙人長苦行

云何爲族姓 從何師受學 云何爲醜陋

云何人修行 欲界何不覺 阿迦膩吒成

云何俗神通 云何爲比丘 云何爲化佛

云何爲報佛 云何爲如如 平等智慧佛

云何爲衆僧 佛子如是問 筥篋腰鼓華

刹土離光明 心地者有七 所問皆如實

此及餘衆多 佛子所應問 一一相應

遠離諸見過 悉檀離言說 我今當顯示

次第建立句 佛子善諦聽 此上百八句

如諸佛所說

不生句生句常句無常句相句無相句住異

即色境
竟天也

句非住異句刹那句非刹那句自性句離自
性句空句不空句斷句不斷句邊句非邊句
中句非中句常句非常句緣句非緣句因句
非因句煩惱句非煩惱句愛句非愛句方便
句非方便句巧句非巧句淨句非淨句成句
非成句譬句非譬句弟子句非弟子句師句
非師句種性句非種性句三乘句非三乘句
所有句無所有句願句非願句三輪句非三

自於現通中後說法意終
峯嶽

輪句相句非相句有品句非有品句俱句非
俱句緣自聖智現法樂句非現法樂句刹土
句非刹土句阿菟句非阿菟句水句非水句
弓句非弓句實句非實句數句非數句數句
非數句明句非明句虛空句非虛空句雲句
非雲句工巧伎術明處句非明處句風句非
風句地句非地句心句非心句施設句非施
設句自性句非自性句陰句非陰句衆生句

非衆生句、非慧句、非慧句、涅槃句、非涅槃句、爾
燄句、非爾燄句、外道句、非外道句、荒亂句、非
荒亂句、幻句、非幻句、夢句、非夢句、燄句、非燄
句、像句、非像句、輪句、非輪句、捷闍婆句、非捷
闍婆句、天句、非天句、飲食句、非飲食句、姪欲
句、非姪欲句、見句、非見句、波羅蜜句、非波羅
蜜句、戒句、非戒句、日月星宿句、非日月星宿
句、諦句、非諦句、果句、非果句、滅起句、非滅起

句、治句、非治句、相句、非相句、支句、非支句、巧
明處句、非巧明處句、禪句、非禪句、迷句、非迷
句、現句、非現句、護句、非護句、族句、非族句、仙
句、非仙句、王句、非王句、攝受句、非攝受句、寶
句、非寶句、記句、非記句、一闍提句、非一闍提
句、女男不男句、非女男不男句、味句、非味句
事句、非事句、身句、非身句、覺句、非覺句、動句
非動句、根句、非根句、有爲句、非有爲句、無爲

句非無為句因果句非因果句色究竟句非
色究竟句節句非節句鬱樹藤句非鬱樹藤
句雜句非雜句說句非說句毘尼句非毗尼
句比丘句非比丘句處句非處句字句非字
句大慧是百八句先佛所說汝及諸菩薩摩
訶薩應當修學

爾時大慧菩薩摩訶薩復白佛言世尊諸識
有幾種生住滅佛告大慧諸識有二種生住

滅非思量所知諸識有二種生謂流注生及

相生有二種住謂流注住及相住有二種滅

謂流注滅及相滅諸識有三種相謂轉相業

相真相大慧略說有三種識廣說有八相何

等為三謂真識現識及分別事識大慧譬如

明鏡持諸色像現識處現亦復如是大慧現

識及分別事識此二壞不壞相展轉因大慧

不思議薰及不思議變是現識因大慧取種

種塵及無始妄想薰是分別事識因大慧若
 覆彼真識種種不實諸虛妄滅則一切根識
 滅大慧是名相滅即流注滅大慧相續滅者相續所因
 滅則相續滅所從滅及所緣滅則相續滅大
 慧所以者何是其所依故依者謂無始妄想
 薰緣者謂自心見等識境境別妄想大慧譬如泥
 團微塵非異非不異金莊嚴具亦復如是大
 慧若泥團微塵異者非彼所成而實彼成是

故不異若不異者則泥團微塵應無分別如
 是大慧轉識藏識真相若異者藏識非因若
 不異者轉識滅藏識亦應滅而自真相實不
 滅是故大慧非自真相識滅但業相滅善明妄妄之相若自
 真相滅者藏識則滅大慧藏識滅者不異外
 道斷見論議大慧彼諸外道作如是論謂攝
 受境界滅識流注亦滅若識流注滅者無始
 流注應斷大慧外道說流注生因非眼識色

異矣

明集會而生更有異因大慧彼因者說言若勝妙若士夫若自在若時若微塵

復次大慧有七種性自性所謂集性自性性自性相性自性大種性自性因性自性緣性自性成性自性復次大慧有七種第一義所謂心境界慧境界智境界見境界超二見境界超于地境界如來自到境界大慧此是過去未來現在諸如來應供等正覺性自性第

一義心以性自性第一義心成就如來世間

出世間出世間上上法聖慧眼入自共相建

立如所建立不與外道論惡見共大慧云何

外道論惡見共所謂自境界妄想見不覺識

自心所現分齊不通大慧愚癡凡夫性無性

自性第一義作二見論復次大慧妄想三有

苦滅無知愛業緣滅自心所現幻境隨見今

當說大慧若有沙門婆羅門欲令無種有種

因果現及事時住緣陰界入生住或言生已
 滅大慧彼若相續若事若生若有若涅槃若
 道若業若果若諦破壞斷滅論所以者何以
 此現前不可得及見始非分故大慧譬如破
 餅初論事果則不自見也不作餅事亦如焦種果論事則不自見也不作芽事如是
 大慧若陰界入性已滅今滅當滅自心妄想見無
 因故彼無次第生大慧若復說無種有種識
 三緣合生者龜應生毛沙應出油汝宗則壞

違決定義有種無種說有如是過所作事業
 悉空無義大慧彼諸外道說有三緣合生者
 所作方便因果自相過去未來現在有種無
 種相從本已來成事相承覺想地轉自見過
 習氣作如是說如是大慧愚癡凡夫惡見所
 噬邪曲迷醉無智妄稱一切智說大慧若復
 諸餘沙門婆羅門見離自性浮雲火輪捷闍
 婆城無生幻焰水月及夢內外心現妄想無

始虛僞不離自心。妄想因緣滅盡，離妄想說
所說觀所觀受用，建立身之藏識於識境界。
攝受及攝受者不相應，無所有境界，離生住
滅自心起，隨入分別大慧。彼菩薩不久當得
生於涅槃，平等大悲，巧方便，無開發方便。大
慧，彼一切衆生界皆悉如幻，不勤因緣，遠離
內外境界，心外無所見。次第隨入無相處，次
第隨入從地至地三昧境界，解三界如幻分

別觀察，當得如幻三昧。度自心現無所有，得
住般若波羅蜜，捨離彼生所作方便。金剛喻
三摩提，隨入如來身，隨入如如化神通自在。
慈悲方便具足，莊嚴等入一切佛刹。外道入
處，離心意意識，是菩薩漸次轉身，得如來身。
大慧是故，欲得如來隨入身者，當遠離陰界
入心，因緣所作方便。生住滅妄想，虛僞唯心
直進觀察，無始虛僞過妄想習氣。因三有思

惟無所有佛地無生到自覺聖趣自心自在
到無開發行如隨衆色摩尼隨入衆生微細
之心而以化身隨心量度諸地漸次相續建
立是故大慧自悉檀善應當修學

爾時大慧菩薩復白佛言世尊所說心意意
識五法自性相一切諸佛菩薩所行自心見
等所緣境界不和合顯示一切說成真實相
一切佛語心爲楞伽國摩羅山海中住處諸

大菩薩說如來所歎海浪藏識境界法身

爾時世尊告大慧菩薩言四因緣故眼識轉
何等爲四謂自心現攝受不覺無始虛僞過
色習氣計著識性自性欲見種種色相大慧
是名四種因緣水流處藏識轉識浪生大慧
如眼識一切諸根微塵毛孔俱生隨次境界
生亦復如是譬如明鏡現衆色像大慧猶如
猛風吹大海水外境界風飄蕩心海識浪不

斷因所作相異不異合業生相深入計著不能了知色等自性故五識身轉大慧即彼五識身俱因差別分段相知當知是意識因彼身轉彼不作是念我展轉相因自心現妄想計著轉而彼各各壞相俱轉分別境界分段差別謂彼轉如修行者入禪三昧微細習氣轉而不覺知而作是念識滅然後入禪正受實不識滅而入正受以習氣種子不滅故不

滅以境界轉攝受不具故滅大慧如是微細

藏識究竟邊際除諸如來及住地菩薩諸聲

聞緣覺外道修行所得三昧智慧之力一切

不能測量決了餘地相智慧巧便分別決斷

句義最勝無邊善根成熟離自心現妄想虛

偽宴坐山林下中上修能見自心妄想流注

無量刹土諸佛灌頂得自在力神通三昧諸

善知識佛子眷屬彼心意意識自心所現自

性境界虛妄之想生。必有海業愛無知。如是等因。悉以超度。是故大慧諸修行者。應當親近。寂勝知識。爾時世尊欲重宣此義。而說偈言。

譬如巨海浪。斯由猛風起。洪波鼓冥壑。無有斷絕時。藏識海常住。境界風所動。種種諸識浪。騰躍而轉生。青赤種種色。珂乳及石蜜。淡味衆華果。日月與光明。

非異非不異。海水起波浪。七識亦如是。心俱和合生。海水起波浪。七識亦如是。心俱和合生。譬如海水變。種種波浪轉。謂以彼意識。思惟諸相義。不壞相有八。無相亦無相。譬如海波浪。是則無差別。諸識心如是。異亦不可得。心名採集業。意名廣採集。諸識識所識。現等境說五。

爾時大慧菩薩以偈問曰

青赤諸色像 衆生發諸識 如浪種種法

云何唯願說

爾時世尊以偈答曰

青赤諸雜色 波浪悉無有 採集業說心

開悟諸凡夫 彼業悉無有 自心所攝離

所攝無所攝 與彼波浪同 受用建立身

是衆生現識 於彼現諸業 譬如水波浪

爾時大慧菩薩復說偈言

大海波浪性 鼓躍可分別 藏與業如是

何故不覺知

爾時世尊以偈答曰

凡夫無智慧 藏識如巨海 業相猶波浪

依彼譬類通

爾時大慧菩薩復說偈言

日出光等照 下中上衆生 如來照世間

為愚說真實 已分部諸法 何故不說實
爾時世尊以偈答曰

若說真實者 彼心無真實 譬如海波浪

鏡中像及夢 一切俱時現 心境界亦然

境界不具故 次第業轉生 識者識所識

意者意謂然 五則以顯現 無有定次第

譬如工畫師 及與畫弟子 布彩圖眾形

我說亦如是 彩色本無文 非筆亦非素

為悅眾生故 綺錯繪眾像 言說別施行

真實離名字 分別應初業 修行示真實

真實自悟處 覺想所覺離 此為佛子說

愚者廣分別 種種皆如幻 雖現無真實

如是種種說 隨事別施設 所說非所應

於彼為非說 彼彼諸病人 良醫隨處方

如來為眾生 隨心應量說 妄想非境界

聲聞亦非分 哀愍者所說 自覺之境界

復次大慧若菩薩摩訶薩欲知自心現攝受
及攝受者妄想境界當離羣聚習俗睡眠初
中後夜常自覺悟修行方便當離惡見經論
言說及諸聲聞緣覺乘相當通達自心現妄
想之相

復次大慧菩薩摩訶薩建立智慧相住已於
上聖智三相當勤修學何等為聖智三相當
勤修學所謂無所有相一切諸佛自願處相

自覺聖智究竟之相修行得此已能捨跋驢

心慧智相得最勝子第八之地則於彼上三

相修生大慧無所有相者謂聲聞緣覺及外

道相彼修習生大慧自願處相者謂諸先佛

自願處修生大慧自覺聖智究竟相者一切

法相無所計著得如幻三昧身諸佛地處進

趣行生大慧是名聖智三相若成就此聖智

三相者能到自覺聖智境界是故大慧聖智

三相當勤修學

爾時大慧菩薩摩訶薩知大菩薩衆心之所
念名聖智事分別自性經承一切佛威神之
力而白佛言世尊唯願爲說聖智事分別自
性經百八句分別所依如來應供等正覺依
此分別說菩薩摩訶薩入自相共相妄想自
性以分別說妄想自性故則能善知周徧觀
察人法無我淨除妄想照明諸地超越一切

聲聞緣覺及諸外道諸禪定樂觀察如來不
可思議所行境界畢定捨離五法自性諸佛
如來法身智慧善自莊嚴起幻境界昇一切
佛刹兜率天宮乃至色究竟天宮逮得如來
常住法身佛告大慧有一種外道作無所有
妄想計著覺知因畫兔無角想如兔無角一
切法亦復如是性之虛大慧復有餘外道見種求那
極微陀羅驪形處橫法各各差別見已計著

無兔角橫法作牛有角想大慧彼墮二見不
解心量自心境界妄想增長身受用建立妄
想限量大慧一切法性亦復如是離有無不
應作想大慧若復離有無而作兔無角想是
名邪想彼因待觀故兔無角不應作想乃至
微塵分別事性悉不可得大慧聖境界離不
應作牛有角想爾時大慧菩薩摩訶薩白佛
言世尊得無妄想者見不生想已隨比思量

与彼外道

觀察不生妄想言無耶佛告大慧非觀察不
生妄想言無所以者何妄想者因彼生故依
彼角生妄想以依角生妄想是故言依因故
離異不異故非觀察不生妄想言無角大慧
若復妄想異角者則不因角生若不異者則
因彼故乃至微塵分析推求悉不可得不異
角故彼亦非性二俱無性者何法何故而言
無耶大慧若無故無角觀有故言兔無角者

不應作想大慧不正因故而說有無二俱不成大慧復有餘外道見計著色空事形處橫法不能善知虛空分齊言色離虛空起分齊見妄想大慧虛空是色隨入色種大慧色是虛空持所持處所建立性色空事分別當知大慧四大種生時自相各別亦不住虛空非彼無虛空如是大慧觀牛有角故兔無角犬慧又牛角者析爲微塵又分別微塵剎那不

住彼何所觀故而言無耶若言觀餘物者彼法亦然爾時世尊告大慧菩薩摩訶薩言當離兔角牛角虛空形色異見妄想汝等諸菩薩摩訶薩當思惟自心現妄想隨入爲一切剎土最勝子以自心現方便而教授之爾時世尊欲重宣此義而說偈言
色等及心無 色等長養心 身受用安立
識藏現衆生 心意及與識 自性法有五

無我二種淨 廣說者所說 長短有無等

展轉互相生 以無故成有 以有故成無

微塵分別事 不起色妄想 心量安立處

惡見所不樂 覺想非境界 聲聞亦復然

救世之所說 自覺之境界 已破五法中名相妄想等

爾時大慧菩薩為淨除自心現流故復請如

來白佛言世尊云何淨除一切衆生自心現

流為頓為漸耶佛告大慧漸淨非頓如菴羅

果漸熟非頓如來淨除一切衆生自心現流

亦復如是漸淨非頓譬如陶家造作諸器漸

成非頓如來淨除一切衆生自心現流亦復

如是漸淨非頓譬如大地漸生萬物非頓生

也如來淨除一切衆生自心現流亦復如是

漸淨非頓譬如人學音樂書畫種種技術漸

成非頓如來淨除一切衆生自心現流亦復

如是漸淨非頓譬如明鏡頓現一切無相色

像如來淨除一切衆生自心現流亦復如是
頓現無相無有所有清淨境界如日月輪頓
照顯示一切色像如來爲離自心現習氣過
患衆生亦復如是頓爲顯示不思議智最勝
境界譬如藏識頓分別知自心現及身安立
受用境界彼諸依佛亦復如是頓熟衆生所
處境界以修行者安處於彼色究竟天譬如
法佛所作依佛光明照曜自覺聖趣亦復如

是彼於法相有性無性惡見妄想照令除滅
大慧法依佛說一切法入自相共相自心現
習氣因相續妄想自性計著因種種無實幻
種種計著不可得復次大慧計著緣起自性
生妄想自性相大慧如工幻師依草木瓦石
作種種幻起一切衆生若干形色起種種妄
想彼諸妄想亦無真實如是大慧依緣起自
性起妄想自性種種妄想心種種相行事妄

想相計著習氣妄想大慧是爲妄想自性相
生大慧是名依佛說法大慧法佛者離心自
性相自覺聖所緣境界建立施作大慧化佛
者說施戒忍精進禪定及心智慧離陰界入
解脫識相分別觀察建立超外道見無色見
大慧又法佛者離攀緣離一切所作根
量相滅非諸凡夫聲聞緣覺外道計著我相
所著境界自覺聖究竟差別相建立是故大

慧自覺聖差別相當勤修學自心現見應當
除滅

復次大慧有二種聲聞乘通分別相謂得自
覺聖差別相及性妄想自性計著相云何得
自覺聖差別相聲聞謂無常苦空無我境界
真諦離欲寂滅息陰界入自共相外不壞相
如實知心得寂止心寂止已禪定解脫三昧
道果正受解脫不離習氣不思議變易處得

自覺聖樂住聲聞是名得自覺聖差別相聲
聞大慧得自覺聖差別樂住菩薩摩訶薩非
滅門樂正受樂顧憫衆生及本願不作證大
慧是名聲聞得自覺聖差別相樂菩薩摩訶
薩於彼得自覺聖差別相樂不應修學大慧
云何性妄想自性計著相聲聞所謂大種青
黃赤白堅濕煖動非作生自相共相先勝善
說見已於彼起自性妄想菩薩摩訶薩於彼

應知應捨隨入法無我想滅人無我相見漸
次諸地相續建立是名諸聲聞性妄想自性
計著相

爾時大慧菩薩摩訶薩白佛言世尊世尊所
說常及不思議常智自覺聖趣境界及第一義境
界世尊非諸外道所說常不思議因緣耶佛
告大慧非諸外道因緣得常不思議所以者
何諸外道常不思議不因自相成覺若常不思

議不因自相成者何因顯現常不思議復次
大慧不思議若因自相成者彼則應常由作
者因相故常不思議不成大慧我第一義常
不思議第一義因相成離性非性得自覺相
故有相第一義智因故有因離性非性故譬
如無作虛空涅槃滅盡故常如是大慧不同
外道常不思議論如是大慧此常不思議諸
如來自覺聖智所得如是故常不思議自覺
聖智所得應當修學復次大慧外道常不思
議無常性異相因故非自作因相力故常復
次大慧諸外道常不思議於所作性非性無
常見已思量計常大慧我亦以如是因緣所
作者性非性無常見已自覺聖境界說彼常
無因故大慧若復諸外道因相成常不思議
因自相性非性同於兔角此常不思議但言
說妄想諸外道輩有如是過所以者何謂但

言說妄想同於兔角自因相非分大慧我常
不思議因自覺得相故離所作性非性故常
非外性非性無常思量計常大慧若復外性
非性無常思量計常不思議常而彼不知常
不思議自因之相去得自覺聖智境界相遠
彼不應說復次大慧諸聲聞畏生歿妄想苦
而求涅槃不知生歿涅槃差別一切性妄想
非性未來諸根境界休息作涅槃想非自覺

聖智趣藏識轉是故凡愚說有三乘說心量
趣無所有是故大慧彼不知過去未來現在
諸如來自心現境界計著外心現境界生歿
輪常轉復次大慧一切法不生是過去未來
現在諸如來所說所以者何謂自心現性非
性離有非有生故大慧一切性不生一切法
如兔馬等角愚癡凡夫不實妄想自性妄想
故大慧一切法不生自覺聖智趣境界者一

切性自性相不生非彼愚夫妄想二境界自
 性身財建立趣自性相大慧藏識攝所攝相
 轉愚夫隨生住滅二見希望一切性性有非
 有妄想生非賢聖也此二句亦非也大慧於彼應當修學
 復次大慧有五無間種性云何為五謂聲聞
 乘無間種性緣覺乘無間種性如來乘無間
 種性不定種性各別種性云何知聲聞乘無
 間種性若聞說得陰界入自共相斷知時舉

身毛孔熙怡欣悅及樂修相修相即修智智不修緣緣即緣起起發
 悟之相是名聲聞乘無間種性聲聞無間見
 第八地起煩惱斷習氣煩惱不斷即無明也不度不思
 議變易處度分段處正師子吼我生已盡梵
 行已立不受後有如實知修習人無我乃至
 得般涅槃覺大慧各別無間者我人衆生壽
 命長養士夫彼諸衆生作如是覺求般涅槃
 復有異外道說悉由作者見一切性已言此

從佛原教
觀得見理

云云佛世觀
係自悟名得
覺

是般涅槃作如是覺法無我見非分彼無解
脫大慧此諸聲聞乘無間外道種性不出出
覺為轉彼惡見故應當修學大慧緣覺乘無
間種性者若聞說各別緣無間舉身毛豎悲
泣流淚不相近緣所有不著種種自身種種
神通若離若合種種變化聞說是時其心隨
入若知彼緣覺乘無間種性已隨順為說緣
覺之乘是名緣覺乘無間種性相大慧彼如

來乘無間種性有四種謂自性法無間種性
離自相法無間種性得自覺聖無間種性外
刹殊勝無間種性大慧若聞此四事一一說
時及說自心現身財建立不思議境界時心
不驚怖者是名如來乘無間種性相
大慧不定種性者謂說彼三種時隨說而入
隨彼而成大慧此是初治地者謂種性建立
為超入無所有地故作是建立彼自覺藏者

自煩惱習淨見法無我得三昧樂住聲聞當
得如來取勝之身爾時世尊欲重宣此義而

說偈言

須陀槃那果此云預流預入解人之法往來及不還 逮得阿羅漢

是等心惑亂亦此等心惑亂三乘與一乘 非乘我所說

愚夫少智慧 諸聖遠離寂 第一義法門

遠離於二教 住於無所有 何建立三乘

諸禪無量等四淨四無色三摩提 受想悉寂滅滅心定也

亦無有心量都令也

大慧彼一闡提非一闡提世間解脫誰轉大

慧一闡提有二種一者捨一切善根及於無

始衆生發願云何捨一切善根謂謗菩薩藏

及作惡言此非隨順修多羅毗尼解脫之說

捨一切善根故不般涅槃二者菩薩本自願

方便故非不般涅槃一切衆生而般涅槃大

慧彼般涅槃是名不般涅槃法相此亦到一

闡提趣同闡大慧白佛言世尊此中云何畢竟不
般涅槃佛告大慧菩薩一闡提者知一切法
本來般涅槃已畢竟不般涅槃而非捨一切
善根一闡提也大慧捨一切善根一闡提者
復以如來神力故或時善根生所以者何謂
如來不捨一切衆生故以是故菩薩一闡提
不般涅槃

復次大慧菩薩摩訶薩當善三自性云何三
自性謂妄想自性緣起自性成自性大慧妄
想自性從相生大慧白佛言世尊云何妄想
自性從相生佛告大慧緣起自性事相相行
顯現事相相計著有二種妄想自性如來應
供等正覺之所建立謂名相計著相及事相
計著相名相計著相者謂內外法計著事相
計著相者謂卽彼如是內外自共相計著是
名二種妄想自性相若依即因也若緣生是名緣起

云何成自性謂離名相事相妄想聖智所得
及自覺聖智趣所生境界是名成自性如來
藏心爾時世尊欲重宣此義而說偈言

名相覺想

自性二相

正智如如

是則成相

大慧是名觀察五法自性相經自覺聖智趣
所行境界汝等諸菩薩摩訶薩應當修學復
次大慧菩薩摩訶薩善觀二種無我相云何

二種無我相謂人無我及法無我云何人無

我謂離我我所陰界入聚無知業愛生眼色

等攝受計著生識一切諸根自心現器身等

藏自妄想相施設顯示如河流如種子如燈

如風如雲刹那展轉壞躁動如猿猴樂不淨

處如飛蠅無厭足如風火無始虛僞習氣因

如汲水輪生歎趣有輪種種身色幻術神咒

機發像起善彼相知是名人無我智云何法

無我智謂覺陰界入妄想相自性如陰界入
離我我所陰界入積聚因業愛繩縛展轉相
緣生無動搖諸法亦爾離自共相不實妄想
相妄想力是凡夫生非聖賢也心意識五法
自性離故大慧菩薩摩訶薩當善分別一切
法無我善法無我菩薩摩訶薩不久當得初
地菩薩無所有觀地相觀察開覺歡喜次第
漸進超九地相明得法雲地於彼建立無量

寶莊嚴大寶蓮華王像大寶宮殿幻自性境
界修習生於彼而坐同一像類諸最勝子眷
屬圍繞從一切佛刹來佛手灌頂如轉輪聖
王太子灌頂超佛子地到自覺聖法趣當得
如來自在法身見法無我故是名法無我相
汝等諸菩薩摩訶薩應當修學爾時大慧菩
薩摩訶薩復白佛言世尊建立誹謗相唯願
說之令我及諸菩薩摩訶薩離建立誹謗二

邊惡見疾得阿耨多羅三藐三菩提覺已離
常建立斷誹謗見不謗正法爾時世尊受大
慧菩薩請已而說偈言

建立及誹謗 無有彼心量 身受用建立
及心不能知 愚癡無智慧 建立及誹謗
爾時世尊於此偈義復重顯示告大慧言有
四種非有建立云何爲四謂非有相建立非
有見建立非有因建立非有性建立是名四

種建立又誹謗者謂於彼所立無所得觀察
非分而起誹謗是名建立誹謗相復次大慧
云何非有相建立相謂陰界入非有自共相
而起計著此如是此不異是名非有相建立
相此非有相建立妄想無始虛僞過種種習
氣計著生大慧非有見建立相者若彼如是
陰界入我人衆生壽命長養士夫見建立是
名非有見建立相大慧非有因建立相者謂

初識無因生後不實如幻本不生眼色明界
念前生生已實已還壞是名非有因建立相
大慧非有性建立相者謂虛空滅般涅槃非
作計著性建立此離性非性一切法如兔馬
等角如垂髮現離有非有是名非有性建立
相建立及誹謗愚夫妄想不善觀察自心現
量非賢聖也是故離建立誹謗惡見應當修
學復次大慧菩薩摩訶薩善知心意識五

法自性二無我相趣究竟爲安衆生故作種
種類像如妄想自性處依於緣起譬如衆色
如意寶珠普現一切諸佛刹土一切如來大
衆集會悉於其中聽受經法所謂一切法如
幻如夢光影水月於一切法離生滅斷常及
離聲聞緣覺之法得百千三昧乃至百千億
那由他三昧得三昧已游諸佛刹供養諸佛
生諸天宮宣揚三寶示現佛身聲聞菩薩大

衆圍繞以自心現量度脫衆生分別演說外
性無性悉令遠離有無等見爾時世尊欲重
宣此義而說偈言

心量世間

佛子觀察

種類之身

離所作行

得力神通

自在成就

爾時大慧菩薩摩訶薩復請佛言惟願世尊
爲我等說一切法空無生無二離自性相我
等及餘諸菩薩衆覺悟是空無生無二離自

性相已離有無妄想疾得阿耨多羅三藐三
菩提爾時世尊告大慧菩薩摩訶薩言諦聽
諦聽善思念之今當爲汝廣分別說大慧白
佛言善哉世尊唯然受教佛告大慧空空者
卽是妄想自性處大慧妄想自性計著者說
空無生無二離自性相大慧彼略說七種空
謂相空性自性空行空無行空一切法離言
說空第一義聖智大空彼彼空空云何相空謂

一切性自共相空觀展轉積聚故分別無性
自共相不生自他俱性無性故相不住是故
說一切性相空是名相空云何性自性空謂
自己性自性不生是名一切法性自性空是
故說性自性空云何行空謂陰離我我所因
所成所作業方便生是名行空大慧卽此如
是行空展轉緣起自性無性是名無行空云
何一切法離言說空謂妄想自性無言說故

一切法離言說是名一切法離言說空云何
一切法第一義聖智大空謂得自覺聖智一
切見過習氣空是名一切法第一義聖智大
空云何彼彼空謂於彼無彼空是名彼彼空
大慧譬如鹿子母舍無象馬牛羊等非無比
丘衆而說彼空非舍舍性空亦非比丘比丘
性空非餘處無象馬是名一切法自相彼於
彼無彼是名彼彼空是名七種空彼彼空者

是空寂麗汝當遠離大慧不自生非不生除
住三昧是名無生離自性卽是無生離自性
刹那相續流注及異性現一切性離自性是
故一切性離自性云何無二謂一切法如陰
熱如長短如黑白大慧一切法無二非於涅
槃彼生歿非於生歿彼涅槃異相因有性故
是名無二如涅槃生歿一切法亦如是是故
空無生無二離自性相應當修學爾時世尊
欲重宣此義而說偈言

我常說空法

遠離於斷常

生歿如幻夢

而彼業不壞

虛空及涅槃

滅二亦如是

愚夫作妄想

諸聖離有無

爾時世尊復告大慧菩薩摩訶薩言大慧空
無生無二離自性相普入諸佛一切修多羅
凡所有經悉說此義諸修多羅悉隨衆生希
望心故爲分別說顯示其義而非真實在於

楞伽經卷一
言說如鹿渴想誑惑羣鹿鹿於彼相計著水性而彼無水如是一切修多羅所說諸法爲令愚夫發歡喜故非實聖智在於言說是故當於義莫著言說

楞伽阿跋多羅寶經卷第一

